

SMART siap sedia hadapi banjir

Kuala Lumpur: Kakitangan Terowong Jalan Raya dan Pengurusan Air Banjir (SMART) diarahkan berada dalam keadaan siap sedia, bagi menghadapi kemungkinan banjir di ibu kota.

Ketua Pegawai Operasi SMART, Mohd Fuad Kamal Ariffin, berkata pihaknya melakukan semua persediaan itu selepas mengambil kira corak kejadian banjir di ibu kota, yang berlaku pada musim tengkujuh tahun lalu.



Pemantauan berkala

“Walaupun masih belum ada tanda ibu kota akan dilanda banjir setakat ini, SMART mengambil tindakan proaktif dengan membuat persiapan berdasarkan situasi bencana itu, yang berlaku di beberapa kawasan pada ketika ini.”

“Selain penambahan kakitangan, SMART turut membuat pemantauan dengan lebih kerap melalui rondaan, selain meningkatkan pemeriksaan pintu air terowong SMART, bagi memastikan ia berfungsi dengan baik ketika diperlukan.”

“Sebelum ini, terowong SMART ditutup sekali dalam sebulan untuk tujuan penyelenggaraan

“
Selain penambahan kakitangan, SMART turut membuat pemantauan dengan lebih kerap melalui rondaan, selain meningkatkan pemeriksaan pintu air terowong SMART”

Mohd Fuad Kamal Ariffin,
Ketua Pegawai Operasi SMART

bagaimanapun sejak tiga minggu lalu ia dilakukan dengan lebih kerap, bagi memastikan tiada sebarang masalah timbul,” katanya ketika dihubungi *BH Sentral*.

Dalam keadaan berjaga-jaga

Mohd Fuad berkata, kakitangannya yang kini diletakkan dalam keadaan berjaga-jaga akan mengosongkan laluan trafik SMART, sebaik menerima arahan daripada Jabatan Pengairan dan Saliran (JPS).

Sejak banjir melanda Selangor, Johor, Perak dan Melaka, SMART pernah beberapa kali terpaksa beroperasi pada mod dua, disebabkan hujan turun dan kadar alir di stesen hidrologi mencatatkan bacaan 70 hingga 150 meter sesaat, baru-baru ini.

“Bagaimanapun, keadaan itu tidak memberi kesan kepada operasi SMART memandangkan terowong trafik masih dibuka dan air lebihan banjir disalur masuk ke sistem takungan di bahagian bawah (lower drain) terowong kami,” katanya.

Sejak awal tahun hingga bulan lalu Mohd Fuad berkata, SMART pernah ditutup sebanyak tujuh kali bagi menghadapi banjir dan dua daripadanya membabitkan banjir besar.